

birdojn aŭ bestojn, kiujn ĝi ĉasas k mortigas.

Rabarbo. Veg. el fam. poligonacoj, kun tre ampleksaj folioj, kies trunketoj estas uzataj por fari kompton aŭ konfitaĵon k kies pulvorigitaj radikoj servas kiel laksigilo (*rheum officinale*).

* **Rabato.** Malpliigo de prezo, konsentita al aĉetanto : *peti, ricevi, ĝui ~on* ; *sen~e* (laŭ neta prezo). Kp DISKONTO. ~i (tr). Konsenti ~on de : *mi povas ~i nur unu dolaron*.

* **Rabeno.** 1 Scienculo k instruanto pri la religia hebrea leĝo. 2 Hebrea pastro.

Rabio. 1 Mortiga infekta malsano, inokulebla al homoj aŭ bestoj per la salivo k karakterizata per furiozeco k deziro mordi, kiun sekvas paralizo : la *vakinado kontraŭ ~o elltrovis Pasteur*. Kp HIDROFOBIO. 2 (f) Furioza pasia ekscitegeco. ~a. 1 Rilata al ~o 1. 2 Malsana je ~o 1 : *por hundon dronigi oni nomas ĝin ~a* Z. 3 (f) Furioze ekscitita, ne plu sin reganta : *~a pro, de kolero B*.

* **Raboti** (tr). Ebenigi aŭ glatigi lignon aŭ metalon, tranĉante malebenaĵojn per speciala ilo. Kp FAJLI. ~ilo. Instrumento por ~i. ~aĵo. Maldikaj rubandaj pecetoj eltranĉitaj per ~ado.

Racio. Kapablo koncepti k aserti la universalajn principojn de vero k komprenblo, per kiu la intelekto de homo diferencigas je tiu de bestoj. ~a. 1 (iu). Posedanta la ~on : *homo estas ~a estaĵo*. 2 (io). Bazita sur la ~o, konforma al la ~o : *~a rezono, decido* ; *~a lingvo internacia* Z. ~eco. Konformeco al ~o. ~igi. 1 Igi konforma al la ~o. 2 Metode plibonigi k pliefikigi : *~igi la laboron en la industrio, ~igi la produktadon*. ~ismo. Racionalismo.

Racionalismo §. Doktrino, kontraŭa al mistiko k pragmatismo, kiu akceptas nur la konojn bazitajn sur la racio, malakceptante la senton k la kredon kiel ilojn de konado k fontojn de vero. 2 Doktrino, kontraŭa al empirismo k laŭ kiu ekzistas veroj k principoj, kiuj ne devenas de empirio, sed estas liverataj aŭ asertataj de la racio.

Racionalisto §. Adepto de la racionalismo.

* **Rado.** Ronda disko turniganta ĉirkaŭ centra akso : *~o de veturilo, de horloĝo, de muelilo* ; *~o malbona knaras plej multe Z* (Vd BARELO) ; *feti bastonon en la ~on Z* (f : malhelpi) ; (f) *esti la 5-a ~o ĉe veturado Z* (esti tute seninflua, senutila) ; la ~o (ŝanĝiĝoj) de la sorto ; *ne utilas diskuti pri tio, kio okazus se la ~o de la historio turniĝus en alian direkton*. ~aro. Tuto de la ~oj funkciigantaj aparaton. ~radio = radio 3. ~ringo. Ringo el fero aŭ elasta substanco, per kiu oni provizas la randon de veturila ~o. ~rondo. Cirkla ekstera parto de ~o. ~umi (tr). Mortigi iun, rompi al li membrojn k lasante lin kuŝi sur rado. Dent~o. ~o, kies rondo estas provizita per dentoj.

* **Radio.** 1 Ĉiu aparta rektlinia elsendaĵo el fonto de lumo, varmo, elektro aŭ ia ajn vibrado : *sunaj, transvioletaj ~oj*. Vd krsr. 2 Rekta linio iranta de la centro de rondo aŭ de sfero al iu punkto de la rondlinio aŭ de la supraĵo : *armeo estas nenie en almenaŭ trimejla ~o B* ; la rigardo ĉirkaŭprenis en kelkmejla ~o preskaŭ la tutan provincon B. 3 Io, kio iras de iu centra punkto, discelante kiel branĉoj de ventumilo : *~oj de rado* ; *aleoj aranĝitaj ~e ĉirkaŭ centra fontano* ; *fontoj en formo de dikaj ~oj de akvo Z* ; *~o da varma sango elsprucis Z*. 4 (f) Gojbrila aspekto : *super la vizaĝo de la patrino kuris ~o da feliĉo Z* ; *~o da espero* ; *~uma estonto*. 5 = radiofonio, ~ado 4 : ~stacio. ~i. 1 (x) Eligi k dissendi ~ojn de lumo, varmo aŭ vibrado : *la suno ~is oblikve* ; *la kupolo de la templo ~as en la suno B* ; *en la varmaj landoj la suno ~as* (~e dissendas) *alian varmegon ol ĉe ni Z* ; *~antaj substancoj* ; (f) : *lernejo estas fajrejo dis~anta la spiritalan vivon* ; *lumo kiu povus pri~i la problemon Z*. 2 (ntr) Disiri de iu punkto discelante kvazaŭ ~oj de rado : *pavoj kun elenditaj ~antaj vostoj Z* ; *el tiu placo el~as 6 stratoj*. 3 (f) Ĝoje aŭ pompe brili : *ŝiaj okuloj ~is Z* ; *~anta rideto Z* ; *li ~is de feliĉo Z* ; *la plej fiera, kies flinoj ~as de beleco B* ; *ŝi leviĝis ridetanta k ~anta B* ; *lia vizaĝo ~is pro ĝojo* ; *el lia persono ~as majesteco* ; *la milkolora beleco de la floroj ~as en la ĝardenoj* ; *li lum~is de ĝojo Z*. 4 Uzi radiofonion, dissendi radiofoniaĵojn per ~ondoj.